


360.



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 360 8° (LN 791)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 360 8° (LN 791)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 360 8° (LN 791)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 360 8° (LN 791)

N^o 360.



= 2. N^o 791
M

360.

ASSERTIONES
DE
VTILIBVS ET
PERNICIOSIS PRÆ-
dictionibus futurorum euentuum, qui-
bus interseritur tutissimæ ratio
expectationis futurorum,
propositæ in disputa-
tionem

à

Nicolao Hemmingio
in

Iunio, Anno Domini 1569.

HAFNIÆ

Excudebat Laurentius
Benedictus

1569.

Faint, illegible text, likely bleed-through from the reverse side of the page.




sec
pre
tur
con
nic

uti
sas
me

ror
tur
secu

1.



NECESSE est Ecclesiam rectè institui de vtilibus & perniciosis prædictionibus futurorum euentuum: ne vel securè contemnat vtilis & laudabiles prædictiones, vel superstitiose inuoluetur perniciosis prænunciationibus in contumeliam Dei, & in propriam perniciem.

2.

Vt autem rectè discernamus inter vtilis & perniciosas prædictiones: causas earum imprimis obseruare oportet: vnde iudicium pendet & certitudo.

3.

Omnis proinde prognosis seu futurorum euentuum prænunciatio, uel oritur à prima causa immediatè, vel à secundis causis naturalib⁹, uel aliunde,

A 2 hoc

hoc est, vel à Diabolo, vel ab homine.

4.

Prognosis siue præcognitio oritur à prima causa, cum Deus per inspirationem, siue quocunq; alio modo reuelat hominibus futuros euentus. Et hæc præcognitio dicitur Prophetica.

5.

Est autem hæc præcognitio Prophetica ideo certissima, & dignissima cui fides habeatur, quia autorem habet DEVM, qui omnia futura tanquam præsentia, in suo æterno videt.

6.

Huius Prophetice prædictionis vsus est maximus, vt quæ certitudinem doctrine Ecclesie humanis mentibus obsignet.

7.

Nam cum vident homines euentus longis-

longi
præc
man
quan
esse
mult
racu
pheta
serua
Dia
natio
per
pend
les
nitit
trum

longissimè antea signatos respondere
 prædictionibus Prophetarum, confir-
 mantur de autore Deo, & doctrinam
 quam Propheta proponunt, diuinam
 esse statuunt: præsertim cum eandem
 multiplices patefactiones diuinæ, mi-
 racula plurima, consensus Mosis, Pro-
 phetarum, Christi, Apostolorum, con-
 seruatio Ecclesiæ in tantis furoribus
 Diabolorum & hominum, & obsig-
 natio veritatis in cordibus Sanctorum
 per Spiritum sanctum, confirment.

8.

Prognosis siue præcognitio quæ
 pendet à secundis causis, quas natura-
 les vocamus, Prognosticis quibusdam
 nititur, hoc est, signis futurorum euen-
 tuum.

9.

Hec autem prognostica & signa

A 3 futuro

futurorum euentuum sunt triplicia
(pro quorum varietate certitudo eti-
am variat) videlicet τεκμήρια, εἰκῶνα,
& erratica.

10.

τεκμήρια demonstrationem & sci-
entiam pariunt, & sunt causæ quæ ne-
cessitate Physica agunt, & constanter
& semper suos effectus producant.

11.

Hæc prognosis propter constan-
tiam causarum Apodictica dicitur.
Hæc Mathematici prædicunt sine er-
rore Eclipses futuras. Vnde patet
quanta laus sit Mathematicæ doctri-
næ, quando intra suos terminos manet.

12.

Huius apodicticæ præcognitio-
nis vsus est, vt agnoscamus totius vni-
uersi autorem Deum esse, qui certis le-
gibus

gibus gubernat hanc cæli pulcritudinem, ut illum agnoscamus, agnitum colamus ac prædicemus. Quemadmodum Paulus docet Roma. 1. Ideo in Actis Apostolicis de Deo dicitur: Ἐκ ἀμάστευρον ἑαυτὸν ἀφῆκεν.

13.

Signa quæ εἰκῶτα dicuntur, nec demonstrationem nec scientiam pariunt, Sed coniecturam tantum, ut plurimum tamē verā. Nam sunt causæ quæ producunt suos effectus, non necessariò et semper, unde fit, quòd interdū frustrentur suis effectib⁹, impredientib⁹ occultis causis. Dicitur autē hæc præcognitio, probabilis.

14.

Hac probabilis coniectura freti Mathematici, pluuias, siccitates, tēpestates, grassaturos morbos, interitus animantium, frugū, vini, et aliarū rerum

A 4

copiam

*copiam vel defectum prædicunt, non
sine magna suæ artis commendatione.*

15.

*Huius probabilis præcognitionis
usus est, ut homines suas operas rectè
distribuant, ne tempestate imminente
nauta soluat: ne agricola faciat instan-
te pluuia, quod requirit siccitatem: &
morbos imminentes aptis præseruati-
uis anteuertamus.*

16.

*Erratica signa sunt, quæ nec de-
monstrationem pariunt, nec veram
coniecturam faciunt, nec causæ sunt
proprie actionum humanarum aut
euentuum prosperorum vel aduerso-
rum, & errant ut plurimum. Et quia
rarò, idq; casu euentus respondet, dece-
ptionem & vanam spem hominibus
credulis iniiciunt.*

Hinc

ibli
fortu
scopia
cunt
perne
mine
paula
prom
diuini
error
pedi
non
& a
H
gube

17.

Hinc erronea illa prognos̄is gene-
thliacorum nascitur, qui gloriantur se
fortunas hominum & euentus ex horo-
scopis prædicere posse.

18.

Hi tametsi vera interdum prædi-
cunt: tamen ipsa prædictio fallaciam
perniciosam habet annexam. Nam ho-
mines qui istis nugis fidem adhibent,
paulatim abducuntur à verbo Dei,
promissionibus & cominationibus
diuinis diffidunt, varijs implicantur
erroribus: donec laqueis Sathanæ im-
pediti, religioni ipsi renuncient, etsi
non apertè & verbis, occultè tamen
& animo.

19.

Hoc periculum animaduertentes pij
gubernatores politiarum & Ecclesia-

A 5

rum

rum, legibus cauerunt & pœnis, ne quis
esset, qui hanc deceptoriam artem pro-
fiteretur, quæ corruptela est morum
pugnans cum verbo Dei & professio-
ne Christiana.

20.

Fuerunt quoq̄ inter Ethnicos, sa-
pientes homines, qui hanc vanitatem
in suas respublicas non admiserunt. Et
Gellius acuto dilemmate eam exagi-
tat. Ita enim ait: Aut aduersa euen-
tura dicunt, aut prospera. Si dicunt
prospera & fallunt: miser fies frustra
expectando: Si aduersa dicunt & men-
tiuntur, miser fies frustra timendo. Si
vera respondent, eaq̄ sunt non prospe-
ra: iam inde ex animo miser fies, ante-
quam è fato fies. Si fœlicia promit-
tunt, eaq̄ euentura sunt, tum planè duo-
erunt incommoda, & expectatio
te spei

te spei
gaud
rit.
istius
sagier

Ex
affect
ortus
netb
tuum
sp. r. u.
timet,
et ort
tblia
ciunt.
tuum
licet,
tas

te spei suspensum fatigabit, et futurum
gaudij fructum spes tibi iam deflorauerit.
Nullo igitur pacto utendum est
istiusmodi hominibus res futuras præ-
sagientibus.

21.

Et si autem corporum & humorum
affectiones ex tempore conceptionis &
ortus coniectare interdum possunt Ge-
nethliaci: tamē cum causæ propriæ euen-
tuum humanorum, quoad successū pro-
sperū et aduersum in negotijs et uita at-
tinet, non pendent à tēpore conceptionis
et ortus: decipiūt stultos homines Gene-
thliaci, q̄ illorum fortunas astris subij-
ciunt.

22.

Nam cum causæ futurorum euen-
tuum in hominibus sunt duæ: vide-
licet, prouidentia diuina & volun-
tas humana, & neutra subijcitur
imperio

imperio astrorum, profectò stultū fuerit & perniciosum ex vna particulari causa, eaq; inferiore, impotentiore, ne dicam erronea determinatè colligere effectum repugnantibus causis principalibus, proprijs, prædominantibus, et vna agentibus efficaciter.

23.

Infiniti homines concipiuntur eodem tempore, & in hanc lucem eduntur, maximè dissimiles & fortuna & moribus.

24.

Iacob & Esau vna concipiuntur, qui tamen nec fortuna nec moribus fuere similes.

25.

In eodem sæpe prælio multa hominum millia cadunt, in eodem naufragio ingens multitudo hominum perit, quibus

bus aptare eundem horoscopum, quid
quæso stultius esse poterit?

26.

Pius ergo homo cogitans de futu-
ris sibi vel prosperis vel aduersis, in-
tueatur primum prouidentiam Dei,
quæ nunquam pugnat cum promissio-
nibus & comminationibus diuinis.

27.

Hæc prouidentia postulat plura:
primum vt nos totos Deo commende-
mus, eum timeamus, inuocemus et præ-
dicemus. Deinde vt securè contemna-
mus quicquid nobis mundus vel Sa-
thanae mancipia minantur. Tertiò
vt respiciamus ad ipsius promissiones
& minas. Promittit enim prospera
qui se diligunt, minatur aduersa se non
diligentibus. Impij, ait Salomon, non
dimidiabunt dies suos.

Has

28.

Has promissiones & comminationes diuinas euertunt, quantum in se est, qui euentus hominum suis horoscopis subijciunt.

29.

Neq; est quod voluntatem hominis subijciant astris. Nam hoc esset opus Dei destruere, Deum autorem peccati facere, pro aeresin tollere, verbum Dei negare, Spiritum sanctum legibus Genethliacorum subijcere.

30.

Huic Genethliacorum vanitati affinis est diuinitio lege Dei damnata videlicet, cum homines enthuasiaste se plenos diuinitate simulant, & astutia quadam Sathanica interdum futura coniectant.

31.

Fit

Fi
multi
dum,
demon

N
cunt, q
terdum
qua ex
coniecta
quando
lequantu
de fit que

Sed
inat a
simum
xer

Fit autem hæc pernicioſa diuinationo multis modis, videlicet per exta pecudum, auguria, sortes, colloquia cum dæmonibus, &c.

32.

Nam dæmones aliquando prædicunt, quæ ipsi facere decreuerunt, interdum ambiguitate ludunt, nonnunquã ex signis naturalibus breui futura coniectant. Fieri etiam potest, vt aliquando prædictiones Prophetarum sequantur & vt suas proponant, vnde fit quod euentus sæpe respondeat.

33.

Sed caueat sibi Christianus ne se sinat à Sathana illudi: quod promptissimum erit, si vel minimum deflexerit à verbo Dei ad vanitatem diuinatoriam.

FINIS.

Fit

Faint, illegible text at the top of the page, possibly a title or header.

Second block of faint, illegible text in the middle of the page.

Third block of faint, illegible text at the bottom of the page.

360.